

INUIT ATAQATIGIIT INATSIARTUNI



UKA2025/169

22.10.2025

Paarma Lund Kreutzmann

Naartunermi, erninermi meeravissiarthaarnermilu sulinngiffeqartarneq pillugu anaanaasut tamarmik sapaatip akunneranut akunnernik 40-nik erninerminnik, sapaatit akunnerini 19-ini, siornatigut suliffigisimasaq apeqqutaatinnagu ullormusiaqarnissaasa pisinnaatitaaffigilernissaannut, Inatsisartut inatsisaasa allanngortinnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens NapātôK', Naleraq)

Oqaaseqaat.

Inuit Ataqtiginnit una siunnersuut pingaarutilerujussuutut isigaarput.

Meeraaqqat inuuneranni piffissaq siulleq pingaarluinnarpoq, toqqammaviat pilersinneqarnerani angajoqqaatik, toqqissisimaffitsik najussallugu.

Nunani avannarlerni Nunarput sivikinnerpaamik periarfissiisarpoq meeraaq inunngorneraniik angerlarsimaqatigeqqaarnissaanut. Meeqqap tunngaviumik nukittorsaatigisussaavaa sapinngisamik sivilunerpaamik angajoqqaarisaq najoruniuk. Tatiginnissuseqarneq, toqqissisimaneq, qaratsap ineriartorneranut aammalu inoqatimut attaveqarsinnaanissaminut pitsaanerusumik anguneqartarneri misissuinerni ilisimatusarnikkut paasineqarnikuuvoq.

Angajoqqaannut pitsaaqutit ilagivaat timi tarnilu akuutillugit, avissaaqasarnissamut piareersimanerulersimanissaq. Uippakajaarneq, ernereernermilu tarnikkut kingunerluutaasinnaasut (fødselsdepresion) annikillisarput. Aammalu ulluinnarni inuuneq ataavarnerusumik

INUIT ATAQATIGIIT INATSIARTUNI



ingerlalnissaa sungiunnissaanut piffissaq annertunerussooq, tamannalu toqqissisimanermik kinguneqartitsissalluni.

Inuit Ataqtiginiit siunnersuut uunga assingusoq siunnersuusiarereernikuuvaat, angutit barselernissamat periarfissaat annertunerulernissaanut aammattaaq ilaalluni. Uani siunnersuutigineqarsimasumi angutit eqqaaneqannginneri maluginiarparput.

2025-mi inuuvugut, inuiaqtigii piffissaq malillugu aamma ineriartorput. Assersuutigalugu suiaqtigii meerartaatut aamma takussaalerallutuinnaarput. Taakku aamma uani pineqarnerlutik?

Inuiaqtigii piffissaasumi uani ineriartortuarput, Inuit Ataqtiginniit isumaqarpugut politikki aamma piffissamat naleqqussaqaataalluni ineriartortariaqartoq.

Inuit Ataqtiginniit isumaqarpugut arnat tamarmik, meerartaalersimasut imaluunniit meerartaarsimasunut siunnersuutigineqartoq atuutissasoq.

Uani arnat katisimasut angerlarsimaannartut kisiisa eqqarsaatiginagit. Kisianni arnat namminersortut, arnat ilinniarsimasut, arnallu sulisut, katisimasut katisimngitsut aammalu aappallit aappaqanngitsullu.

Minnerunngitsumillu ataataasut, suiaqtigiiinnoortullu siunnersuummi ilanngunneqarnissaat, qanorlu tulluarsarneqarsinnaanerani qulaajarneqartariaqartoq.

Siunnersuutip toqqammavia isumaqtigaarput, kisianni amigaateqarnera naqissuserusparput. Inuit Ataqtigii isumaqarpugut erninermi sulinngiffeqartarneq ataatsimut isigalugu isiginiagassallu tamaasa eqqarsaatigalugit suliaqartoqartariaqartoq. Nunatsinnimi inukilliartorput

INUIT ATAQATIGIIT INATSIARTUNI



taamaammallu isumaqarpugut ernisarninermi atukkat aammalu inatsisit piusut eqqarsaatigalugit annerusumik suliaqartariqartugut. Ass. Erninermi sulinngiffeqartarneq kisiat pinnagu meeraqarluni sulisartuunermi atugassarititagut aamma isiginiassallugit. Meerartaarneq nunatsinni kajungernarnerulissappat politikki ersarinnerusoq suliarisariaqarpoq.

Taamaammat una siunnersuut maannatut isikkoqartillugu qulaajassat arlaqartutut nalilerpagut. Naalakkersuisut siunnersuutaat taperserlugu ataatsimiititaliamut ingerlateqqinneqarnissaanut innersuullugu, tassani meerartaartartut tamarmik isiginiarneqarnissaat kissaatigaarput.